

Na osnovu člana 50. Zakona o izvršenju budžeta Bosansko-podrinjskog kantona Goražde za 2020. godinu (“Službene novine Bosansko-podrinjskog kantona Goražde”, broj: 15/19 i 5/20), Zakona o raseljenim osobama i povratnicima u F BiH i izbjeglicama iz BiH (“Službene novine F BiH”, broj:15/5), a u skladu sa Programom utroška sredstava Ministarstva za socijalnu politiku, zdravstvo, raseljena lica i izbjeglice, sa ekonomskog koda 614200 (JAM 001) Tekući transferi pojedincima - Izdaci za raseljena lica broj: 08-11-3733-2/20 od 21.08.2020. godine na koji je saglasnost dala Vlada Odlukom broj: 03-11-1492/20 od 19.08.2020. godine, Ministarstvo za socijalnu politiku, zdravstvo, raseljena lica i izbjeglice Bosansko-podrinjskog kantona Goražde objavljuje:

JAVNI POZIV
za podnošenje prijave za ostvarivanje pomoći
iz Programa podrške održivom povratku i brige
o raseljenim licima i povratnicima

1. PREDMET JAVNOG POZIVA

Predmet Javnog poziva je dodjela finansijske pomoći povratnicima u cilju obezbjeđenja uslova za održivost povratka i poboljšanje kvaliteta življenja u mjestu povratka za Grad Goražde, općine Foča u F BiH, Pale u F BiH, i susjedne općine iz Entiteta RS-a.

2. FINANSIJSKA SREDSTVA

Sredstva predviđena za raspodjelu po Javnom pozivu planirana su u Budžetu Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, na ekonomskom kodu 614200 (JAM 001) – tekući transferi pojedincima – Izdaci za raseljena lica za 2020. godinu.

3. PRAVO UČEŠĆA NA JAVNOM POZIVU

Pravo učešća po ovom Javnom pozivu imaju:

- Fizička lica koja imaju status izbjeglih, raseljenih lica i povratnika,
- Udruženje građana, neprofitne i nevladine organizacije, koje su aktivne u oblasti brige o izbjeglim, raseljenim licima i povratnicima,
- Islamske i vjerske zajednice,
- Mjesne zajednice (MZ) u mjestima povratka i
- druga pravna lica i lokalne zajednice, ukoliko se posredstvom istih obezbjeđuje određeni vid pomoći kategorijama raseljenih lica i povratnika.

4. KRITERIJI ZA IZBOR KORISNIKA POMOĆI ZA ODRŽIVOST POVRATKA

Fizička lica

Sredstva u vidu finansiranja/sufinansiranja zahtjeva za fizička lica dodjeljivat će se za sljedeće namjene:

- Nabavke poljoprivredne opreme i mehanizacije,
- Obnovu i izgradnju stajskih i pomoćnih objekata,
- Nabavke krupne i sitne stoke,
- Obezbeđenja sredstava za poboljšanje stambenih uslova,
- Oporavak putne i komunalne infrastrukture u povratničkim naseljima,
- Druge mjere koje će bitno, pozitivno uticati na proces i održivost povratka.

Opći kriteriji za fizička lica

Korišteni kriteriji utvrđeni Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine F BiH“, broj: 15/05), a dokaz o ispunjavanju uslova:

- Potvrda da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta na području Republike Srpske i Brčko distrikta (potvrda/uvjerenje nadležnog organa općine povratka o statusu povratnika.) i CIPS prijava prebivališta podnosioca prijave original ili ovjerena kopija ne starija od 6 mjeseci,
- Da je iskazao namjeru za povratkom - izjava ovjerena od strane nadležnog organa općine povratka,
- Kućna lista - sa svim članovima povratničkog domaćinstva - original ili ovjerena kopija,
- Potvrda kao dokaz o pripadnosti ranjivim kategorijama (Šehidske porodice odnosno porodice poginulog borca, RVI, porodice nestalih, bivši logoraši, civilne žrtve rata, demobilisani borci, porodice u kojima je žena nosilac domaćinstva, osobe sa invaliditetom i sl.) - potvrda/uvjerenje izdato od nadležnog organa koji vodi službenu evidenciju,
- Potvrda ili uvjerenje/ček od penzije koji definiše status podnosioca zahtjeva i članova domaćinstva: nezaposlenosti, radni/ studentski/penzioni ili drugi status,
- Kopija predračuna kojim se dokazuje opravdanost apliciranog zahtjeva.

Pored navedenog ukoliko se radi o zahtjevu za stambeno rješavanje u tom slučaju korisnik mora da ispunjava i dodatne uslove:

- Da je utvrđen status vlasništva ili stanarsko pravo nad stambenom jedinicom koja je predmet rekonstrukcije dokazuje se:
 - ZK (zemljišno-knjižni) izvadak-izvod iz katastarske evidencije, posjedovni list ne stariji od 6 (šest) mjeseci, i / ili
 - Pravosnažno rješenje o povratku/stanarskog prava-rješenje nadležnog općinskog organa o povratku i / ili uvođenju u posjed,
- Da je na dan 30.04.1991. godine imao prebivalište u stambenoj jedinici koja je predmet rekonstrukcije (Uvjerenje o kretanju podnositelja zahtjeva za rekonstrukciju, koje izdaje nadležni organ unutarnjih poslova dokazuje se da je korisnik pomoći na dan 30.04.1991. godine imao prebivalište u stambenoj jedinici koja je predmet rekonstrukcije. Potrebno je priložiti original uvjerenja o kretanju ili ovjerenu kopiju. U izuzetnim slučajevima, kada se uvjerenjem o kretanju ne može pouzdano utvrditi prebivalište na dan 30.04.1991. godine, kao dokaz prebivališta pribavlja se izjava dva svjedoka, ovjerena od strane nadležnog organa općine povratka.),
- Izjava podnosioca da se stambena jedinica koja je predmet rekonstrukcije smatra ne uslovnom za stanovanje - ovjerena od nadležne općinske službe,
- Izjava podnosioca da on i članovi njegovog domaćinstva od 1991. godine nemaju na teritoriji BiH drugu stambenu jedinicu koja se smatra uslovnom za stanovanje, u skladu sa odgovarajućim standardima o minimumu stambenih uslova - ovjerena od nadležnog organa općine,
- Izjava da nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uslova - ovjerena od nadležne općinske službe.

Pravna lica

Sredstva u vidu finansiranja/sufinansiranja projekata od značaja za širu društvenu zajednicu dodjeljivat će se za sljedeće namjene:

- Obnova i izgradnja infrastrukturnih objekata,
- Nabavka opreme i mehanizacije,
- Obnova vjerskih i sakralnih objekata u mjestu povratka,
- Oporavak putne i komunalne infrastrukture u povratničkim naseljima,
- Druge mjere koje će bitno, pozitivno uticati na proces i održivost povratka.

Sa detaljnim obrazloženjem za šta se aplicira, koji iznos sredstava se očekuje, kada se očekuje realizacija te koji se efekat očekuje realizacijom projekta.

Opći kriteriji za pravna lica:

Opći kriteriji su eliminatorni i obavezujući.

- Da je izvršena registracija pravnog subjekta (ako prijavu podnose udruženja, organizacije, poslovni subjekti i sl.) - dokaz o registraciji original ili ovjerena kopija,
- Ovjerena kopija Statuta (ako prijavu podnose udruženja, neprofitne i nevladine organizacije i sl.),
- Ako prijavu podnose mjesne zajednice, udruženje, neprofitne i nevladine organizacije i sl. potrebna je preporuka od strane lokalne zajednice (Opštine/Grada),
- Pripremljen Projekat koji se dostavlja uz zahtjev sa definisanim iznosom sredstava potrebnim za provedbu cjelokupnog projekta i dijela koji se traži u vidu finansiranja /sufinansiranja od strane Ministarstva,
- Da je predloženi projekat usmjeren ka rješavanju infrastrukturnih i drugih problema značajnih za razvoj održivog povratka i širu društvenu zajednicu (ako prijavu podnose udruženja, neprofitne i nevladine organizacije, poslovni subjekti i sl.).

Posebni kriteriji za pravna lica:

- Spremnost sufinansiranja projekta od strane podnosioca prijave ili drugih donatora – ugovor ili Izjava ovjerena od strane podnosioca ili drugih donatora,
- Postojanje građevinske dozvole, urbanističke saglasnosti i ostala odobrenja potrebna za realizaciju projekta izdata od nadležnih organa ukoliko se radi o infrastrukturnom projektu - original ili ovjerana kopija,
- Izjava/potvrda o broju povratničkih domaćinstava/povratnika i broj potencijalnih povratnika kojima će projekat koristiti,
- Kopija predračuna koji odgovara apliciranom zahtjevu – projektu,
- Očekivani rezultati procjena mjerljivih efekata koji idu u prilog stvaranju preduslova za kvalitetniji život povratnika – ovjerena Izjava podnosioca projekta ili potvrda nadležnog organa da će realizacijom projekta navedeni infrastrukturni problem biti riješen, trajno, više od 10 godina više od 5 godina ili do 5 godina.

5. PROCEDURE ODABIRA I SELEKCIJE PROJEKATA I ZAHTJEVA ZA SREDSTVIMA

Projekti i zahtjevi za sredstvima dostavljeni po raspisanom Javnom pozivu od strane korisnika na odobravanje za finansiranje/sufinansiranje iz Budžeta Bosansko-podrinjskog kantona sa ekonomskog koda 614200 (JAM 001) – Tekući transferi pojedincima – Izdaci za raseljena lica dostavljaju se u formi zahtjeva za sredstvima ili u formi projekta, kako je to definisano Javnim pozivom od strane Ministarstva za socijalnu politiku, zdravstvo, raseljena lica.

Projekti i zahtjevi će biti vrednovani na osnovu Procedura za odabir korisnika (donesenih od strane Ministra za socijalnu politiku, zdravstvo, raseljena lica i izbjeglice) a u skladu sa kriterijima definisanim Programom utroška sredstava sa ekonomskog koda 614200 (JAM 001) Tekući transferi pojedincima – Izdaci za raseljena lica za 2020. godinu i raspisanim Javnim pozivom, od strane komisije za odabir korisnika, koju će svojim Rješenjem imenovati Ministar.

Prilikom procjenjivanja mogu se koristiti usluge vanjskih procjenjivača.

Ukoliko se, prilikom procjenjivanja pristiglih aplikacija utvrdi da predložena aplikacija ne ispunjava kriterije iz Programa i Javnog poziva, aplikacija će biti odbijena.

Nakon utroška odobranih sredstava po Programu podrške održivom povratku i brige o raseljenim licima i povratnicima korisnik sredstava je obavezan da Ministarstvu za socijalnu politiku, zdravstvo, raseljena lica i izbjeglice dostavi izvještaj o provedenim aktivnostima i namjenskom utrošku sredstava.

6. ROK ZA PODNOŠENJE ZAHTJEVA I NAČIN OBJAVE

Rok za podnošenje zahtjeva- prijava po ovom Javnom pozivu je 15 dana od dana objave na Oglasnoj ploči Kantona.

Zahtjev – prijavni obrazac (može se preuzeti na službenoj stranici Vlade www.bpkg.gov.ba), je obavezujući i istim se potvrđuje ispunjavanje kriterija, kao i potrebna dokumentacija za apliciranje na Javni poziv. Aplikanti zahtjeve podnose u zatvorenoj koverti na protokol Bosansko-podrinjskog kantona Goražde ili putem pošte na adresu:

Bosansko-podrinjski kanton Goražde
Ministarstvo za socijalnu politiku, zdravstvo, raseljena lica i izbjeglice
Ul. 1. Slavne višegradske brigade 2a
73000 Goražde

**Sa naznakom “Prijava na Javni poziv
za podnošenje prijava za ostvarivanje pomoći
iz Programa podrške održivom povratku i brige
o raseljenim licima i povratnicima. Ne otvaraj”**

Na poledini koverta obavezno navesti ime i prezime podnosioca zahtjeva, adresu i kontakt telefon.

Nepotpune i neblagovremene prijave neće se uzeti u razmatranje.

Javni poziv objavljuje se na zvaničnoj internet stranici Vlade Bosansko-podrinjskog kantona Goražde i na Oglasnoj ploči Bosansko-podrinjskog kantona Goražde.

Ministarstvo zadržava pravo kontrole namjenskog utroška dodjeljenih sredstava.

Bosansko-podrinjski kanton Goražde
Ministarstvo za socijalnu politiku,
zdravstvo, raseljena lica i izbjeglice

MINISTAR

Eniz Halilović

Broj: 08-11- 3869-1/20

Goražde, 09.09.2020. godine

